



Nuuk, aprilip 22-at, 2010

Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

**Piniarnermut ilinniarfimmi Ummannamiittumi sulisuusut siorna juunip 1-anili 2009-mi naalakkersuisoqarfimmit susassaqarfimmit aningaasarsiaqartitaanerat qaammammusiaqalernissaallu sulissutiginiagaat suli aaqqiivigineqarsimanngitsoq naalakkersuisunit qaqugu sulisut akissaateqarnerat aaqqiivigineqarnissaat sulissutiginiarpaat?**

(Inatsisartunut ilaasortaq Aleqa Hammond, Siumut)

**Tunngavilersuut:**

Paasivara Ummannami Piniarnermut Ilinniarfimmi ilinniartitsisut, allaffimmioq pedelilu siornali naalakkersuisoqarfimmit ilisimatinneqarsimasut aningaasarsiat qaammamoorutissat aaqqiissuteqarfigineqarniartut tamannalu sulissutigineqartoq aammalu kingumoortumik aaqqiissutissanik suliaqartoqartoq.

Ulloq manna tikillugu suli aaqqiissutissanik suliaqartoqarneranik takussutissaqarsimanngillat, taamaammatt aningaasaliissutaareersimasuummata paaserusuppara qaqugu tamanna aaqqiivigineqarniarnersut.

Kissaatigaara apeqqutima ullut suliffiusut qulit qaangiutsinnagit allakkatigut akereerneqarsimanissaa.

Ikinngutinnersumik inuulluaqqusillunga  
Aleqa Hammond  
Siumut